

AVO LE TEIN

Po passa na dolînta vouârba

Po tui à cou ,dévesa deu tein,
Deu tein que fei , deu tein que n'ei
Deu tein que tsacon veudreu feîré quemin é s'intein
Dévesa de ceu-ce , de cein , dévesa de rein
Dévesa deu forié , deu tsautin
Dévesa de tô , dévesa po rein !
Portan, le tein , l'é pa rein
Pisque le tein , l'é de l'ardzin !
Pisque dei cou , on prein son tein
Et adon , no sein pa contin !
É faudreu le baillé , son tein
Le baillé à shieu que l'en pa preu de tein
Pa à shieu que l'en dzamei de tein po rein
Le baillé à shieu que l'en troi de tein
Mai que pouon ein baillé à nion.

On poreu preîndré le tein !
On peeu le preîndré po rein !
Mai é passé vîto le tein !
Se on le prein pa eu bon momein
Lé perdu po to le tein,
É se treûvé pamei ,su main de loi
Qua on l'a perdu le tein
É peeu eîtré bon , eîtré biau , eîtré fa ,
Le tein s'atsétté pa avouei de l'a .